



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vindex Libertatis Ecclesiasticae || Et Martyr || S.  
Engelbertvs || Archiepiscopus Co-||loniensis Princeps ||  
Elector, &c.**

**Gelenius, Aegidius**

**Coloniae Agrippinae, 1633**

Caput Vigessimum quartum. De Hermanno lanitore sancti Martyris  
febricitante per visionem curato.

**urn:nbn:de:hbz:466:1-9728**

## §. Quam vocem audierit.

**I**N manuscripto hæc subiiciuntur, quæ non leue miraculo <sup>A</sup> momentum addunt: *Sacerdos & Parochiani audientes infirmum ex miraculo officium lingua recepisse, ad hospitium eius venerunt, & dixit ad illum Sacerdos. Adiuuro te per Patrem, Filium & Spiritum sanctum, ut dicas quam diu fueris mutus, & quomodo nunc loquaris: Et narravit ei, sicut auunculo suo narrauerat. Cui Sacerdos: cum sanatus sis in linguâ, sentisne aliquod remedium in cruribus? Quibus ait: nescio, & erigens se, tunicam induit, manibus tenens parietem; de camerâ, verò sine difficultate exiit, eo quod caro circa femora & suras ex infirmitatis magnitudine consumpta, ambulanti adhuc firmum gressum negaret.*

## Caput Vigefimum quartum.

*De Hermanno Ianitore sancti Martyris febricitante per visionem curato.*

**H**ERMANNVS \* de Lechnich Episcopi ENGELBERTI ianitor fuit, <sup>C</sup> quo munere hodieque apud successorem Henricum fungitur. Is ante Augustum mensem acerrima correptus febre, ita & corpore & mente defecit, ut vxore eius in eadem domo obeunte, amicisque eam plangentibus & ad sepulchrum efferentibus, ille prorsus non aduerteret, quid ageretur. Cumque tam miserè ad dies quindecim decubuisset, clara luce ostio aperto videt eminè beatum illum martyrem tanquam ad se venientem cum multis alijs religiosis viris, qui omnes erant albis induti, & ad collum habebant oraria siue stolas, ut solent sacerdotes. Ipse autem beatus pontifex mulæ albæ insidebat: iam enim lauerat <sup>D</sup> iumentum carnis suæ in sanguine Agni. Hermannus ea visione exhilaratus, ad scæminas, quæ illic sedebant, alta voce dicit: Exite ocyus bonæ dominæ: ENGELBERTVS Episcopus venit ad me. Fratrem quoque suum, qui ad limen ostijerat, fortiter inclamans: Surge, inquit, frater, cede locum domino meo, ut possit ingredi ad me. Sed illis non se moventibus, quòd putarent vi morbi eum delirare, iterùm clamat: cunctique, dempta puella paruula, foras exeunt. Ante hos autem clamores miles

\* An idem  
de quo supra  
p. 69. lit. C.

Visio cuiusdam.

**A** miles quidam iam vita functus, vir bonus & modestus, candidatos illos antecesserat, dixeratque Hermanno, ut se pararet: Episcopum ENGELBERTVM velle ipsum inuisere. Cùm ergò omnes egressi essent, beatus ENGELBERTVS, quem tum obiisse nesciebat æger ille, cum quodam monacho ignoto ad lectum eius accessit; aitque ad eum: Ut habes Hermanne? Respondit ille: Malè, mi domine: vel solum apostema lateris mei nimium me cruciat. Tum Episcopus ad monachum se vertens, Ad eò, inquit, confectus est hic vir, ut meritò potuerit animam expirare. Deinde manu tangit apostema, moxque incipit sudare homo: & Episcopus, cùm ei benedixisset, euauit. Confestim adiutum se sentiens **B** Hermannus, iam regressis intrò illis, qui exierant, rem omnem exposuit, laudatur ab omnibus Deus, & sanctus martyr eius ENGELBERTVS.

Mira curatio febricitantis.

### Notatio ad Caput Vigesimoquartum.

#### §. Is ante Augustum mensem.

**F**ebreire cœpisse Hermannum ante mensem Augustum, anni M. CC. XXV. ex eo colligere licet, quod æger diceatur nesciuisse virum sanctum *tum obiisse*, vel ut est in manu scripti. quod Episcopum *tunc temporis mortuum* Hermannus ignorauerit, idque non vi morbi inducta obliuione, sed facti ignorantia. Aduerbum enim temporis adijcitur verbo *obiisse*, vel participio præteriti temporis *mortuum*, ut hinc colligas miraculum hoc meritis Sancti nostri patratum haud diu post mortem illius accidisse, cum vndequaue nondum percrebuisset martyrium, aut ministro S. Martyris ægro, domestico: ū cautione Heri carissimi crudelē internecionē adhuc celatā fuisse.



Hermannus de Lechenich.

#### §. Ad dies quindecim.

Circa, vel post tempus mortis vxoris.

Ff 2

§. Miles